

بِحَبْرَةٍ

مجبورة: أشعار بالعامية المصرية

الشاعرة: نعمة آل موسى

إخراج فني: الباشا عبدالباسط

رقم الإيداع: 2019 / 2124

الترقيم الدولي: 4 - 029 - 844 - 977 - 978

Facebook Page: دار الزيات للنشر والتوزيع

E_mail: bentelzayat1@gmail.com

Website: www.bentelzayat.tk

مجلس الإدارة / د. شاهنדה الزيات

المدير العام / أ. محمود محروس إبراهيم



جميع حقوق الطبع والنشر محفوظة ©

لدار الزيات

المشهرة قانوناً بسجل تجاري رقم / 49351



9 789778 440294

بِحُسْبُورَةٍ

أشعار بالعامة المصرية

الشيخة

فغمة الأسماء



دار البساتين للنشر والتوزيع
مدفح حاكم يتحقق

الإهداء

ألقِ دموعكِ في حُبِّ كَفَيْكِ ، وامكثي في بكاء مع الله
قد رما تشائي ثمَّ يُخرجك عزيزة بابتسامة لا يعلم الخلق أنها تأويل
دمعٍ حُبسٍ في صمت بلا قضبان .. أحسن الله إليك فما بُثَّ إلا له
فصرتِ مجبورة.

إلى نفسي وابنتي الغالية حبيبة
وإلى كل نفسٍ كسيرة
إن الله مع المنكسرة قلوبهم



مقدمة

قالوا عين الحب عميا .. وقالوا عن مشاعرك الي ممكن تمشي-
وراها وانت مغمض .. قالوا كثير وقليل ، ولكن محدش اتكلم عن عين
#الأمان .. إنك تآمن يعني بتلفظ من قلبك كل حسابات البشر- عن
التخلي المفاجيء وده للأسف #اكثر انواع التخلي وضاعة ! عشان
حساباتك إنت مبنية على بصيرتك الي مليانة فطرة وإنسانية بصيرتك
الي هي حطة من روحك الي تألفت وتعارفت واتعرّفت واتجنّدت
مع روح ثانية ، آمَنتُ بعين ظاهرها العمى باطنها اليقين الثاقب
ولكن لما تلاقي حساباتك فجأة بتتحول من لغة معلومة المنطق
واضحة النتائج لطلاسم لا بتتْحَسَب رَقْمِيّاً ولا بتترجم إنسانيا وتبدأ

روحانيا تحس إنك في دوامة من علامات الإستفهام والتعجب
والفواصل والكسور كأن مس من الجن صابك .. ساعتها هتكتشف
إنك مرمي على رصيف مليون ناس شبهك محدش بقي عليهم .. لسة في
عز برد الشتا يحاولوا يفكوا طلاس #المس ويسألوا أنفسهم
معقول عين البصيرة والروح عميا هي كمان ؟؟؟؟
طب مين الكفيف .. روعي الي آمنت ولا روعي الثانية الي
بخلت بالأمان !!؟

واللي يبخل بالأمان بكرة هيكمل كفيف
الوجود من غير خليل الروح بيبقى شيء مخيف ..

نعم



الجدار

جدار الحزن برّانا
يعلّي فوق جراح
القلب ويزايد
ولكن لسة جوّانا
براعم زهر
يا أصعب حالة قتلتنا
وقوتنا...
كأنك والله ماكنتي
ف لحظة ماهيجي
الجبر....



◀ عطر ف سطر ▶

جرس الفرحة .. ترن ، ترن
خطوة حلم ... هتدق الباب
من غير ما استعجل ولا ازن
لوتتاخر مفيش عتاب
هاصبر و أعافر وأحن
كلمة "يأس" هخدها غياب



الود

الجرح ده فُضْفَاض ما هو على قياسي
والدمع صار فيّاض غطّى بياض عيني
أنا قولت لى كان عزى وتاج راسي
حافظ على ودّنا ده العهد من ديني
بنظرة مربية سكت وكّنه عمل ناسي
لكنّ قلبه حكى "كان والله على عيني"



حُضْنُ الْبَحْرِ

يا قلبك الواسع كما حُضْنُ بَحْرٍ
وإنا قلبي مينا لها الطيبة مهر
عشقت الطيابة إلي ملو الكفوف
وصابرة على قد ماشوفت قهر
وطعم الفرح نبض قلب الدفوف
مسيرته في عيونك كما ألف شهر
فلا بطوي جنبك جناحي بخوف
ولا هنسى عطرك ولو مرّ دهر



البشر

أنا قلبي بقى مليان
وفاض الغلب واستكفيت
ووالله منازعلان..
ولكني خلاص مليت!!!
صوابي كلها في الشق
وحيلي م البشر مهدود
غلبتوا الصخر في القسوة
يا حبة طين ياكلهم دود!!!!



"ها لا يقضى بالفكر... يقضى بالذكر ♥"



الغول

أصعب ما في الأيام
إنك تخاف مجهول
مع ان قلبك بطل..
وملامحه ليها قبول
وتلف حوالينك
أوهام حبالها تطول..
والفيلم ماهوش رعب..
والقصة ما فيهاش غول!!



لو تقدرى

لو تقدرى إوعى فى يوم تتكدري ..

وتروح عنىكى ف نوم بُكا!!

الدنيا لو مدربة

يارحمة المولى احضري ♥

هتروق وتحلى وتُجبرى

والله .. بس استغفري ..



ورقة وقلم

ورقه وقلم وابتدت
تكتب عن الماضي
بلت دموعها الورق
قالت أكيد عادي ...
كل الي كتبو التاريخ
ملوا محابرهم
بدمع وجعه صريح
من جرح قاهرهم
والف حب وعدو
ع العشرة عدى وداس
وحدث وراه أحداث

يا جبل ماهزك ريح

ومكملة بتكتب

داية بحيرة وحب

علی مین و مین تعتب

ولمين ومين مسموح

تفرش ورود الروح

ومين خرج م القلب

قد الفضا يا اااااارب

أنا قلبي فايض بيه

مارتاح مع بوحه

ولا السكوت مراضيه

ولا السطور شايلاه

ولا حد حاسس بيه ؟!

راح القلم مَسْكَنه
ورجع الورق جاره
وهاب الألم م البوح
ليقل مقداره!!!....
فاتعلمت تمشي
مع زمرة الساكتين
وف شوقها للفضفضة
ساكتة بعيون باكيين!!!



يا رهون

طاطي لها تُمر وتَعدي

تهون

لو قولت يامهون ...

تبات محزون

وكل الكون..

سواد ف سواد

وتصحى بأمر

(كن فيكون)

تلاقي الورد متلون !

ونار القلب طفي رماد..



◀ عطر فسطر ▶

يا قضية الحلم الي راح
هستأنفك لو عُمر!.....
أنا قلبي منزوع السلاح
والقاضي إسمه الصبر



النزيف

زَمَّ يا جرحي في نزيفك
لَمْ تُؤَبِّ حزنك كفاية..
مَدَمَعَكَ مَهْدُور طوفانه
عَنْدهم كَسَرَكَ غواية!!
كُلُّ مرة بجيش خَطَاوي
قلبك الابيض تروح..
تسقي عطشانهم تداوي
يُبْدُرُوا قلبك جروح!!..
ينبت المَحْصول مِساخة
ويبتسم خَدَّكَ ويعشم

بس اتاري النّية جارحة
وينظفي لونك وتعدّم!!!
عيش ياورد بخدّك أحمر
غلبوا مش لاقين له عيب!!
بكرة يدبّل كبرياءهم
ونزف دمعك بردو طيب
الزّمن أستاذ دروس
ينجح اللي فدراسه عقله
وكل واحد فينا طينة
وكلنا بيعمل بأصله



سنبلة

إزرع لي جوه القلب كام سنبلة
رغم الوجع يارب متكحلة
بعمَل جميل النية كان مني
لبشر على روحهم مآمني
احترت أعطيههم برمش العين
ولا أسكنهم دفي النّي
خطفوا ضيا عيني
وسابوني متسلسلة!!!
ولسة كام سنبلة....
قادر تضاعفهم لألف حصاد

أخضر على عوده يغطي سواد

قلب اللي باعوني وظالمني

قلب اللي باعوني وظالمني



﴿عطر ف سطر﴾

ولو ف الحزن طال ليلى
ولا بان للآلم آخر....
هعيش واقف على حيلي
واموت وأنا قلبي بيعافر!



شعوذة

ولا سحر ولا شعوذة

اللي مشي وسابك

ايوة مشي وربنا ... كسرك وضحى بك!

وانت افتكرت الفراق بينكم يكون مُعجزة

وإن القلوب هتعيش على بعض متعكزة

غلبان أوي يا أنا ماتعيش بشر زينا

أيوة مشي وربنا .. وبعد الوفا عابك!!!



الحدود

جَوَّهَ حدودَ الوَجَعِ
الصمت هو الحال
خارج حدود السَّمْعِ
نصرخ بحمل جبال!..
وف الحِلِّ والترحال
لا قوة ولا حَوْلَ
غير بس للمولى
قادر يصبرنا
لاجل الحياة تمشي
لاجل النصيب يتعاش

وف غربة الأحوال

يارب قدرنا...

لنفوسنا ماتسبناش....



يارب

احمينا من الحزن اللي يشوه القلوب ، والبلايا اللي ترزعزع

الإيمان

اللهم آمين



الفجر

يُجْرّ الليل في رِجل
المهمومين للصبح
يدوروا ف ساقية الأفكار
وفوق الجرح .. دمع وملح
ومع إن الظلام ليه فجر
وقبل الفجر في استغفار
بننسى ف عتمة جؤانا
ننادي ونبكي يا غفار



عهدي

يامدَيِّقَيْنِ الْبَرَّاحِ
بِالدُّوسِ عَلَى جِرَاحِنَا
طَعْمَ الْفِرَاقِ دَبَّاحِ
بِالرَّاحَةِ عَلَى رُوحِنَا
مَسْجُونِ أَنَا فَيًّا...
وَبَاقِي عَلَيْكُمْ جَدَّعِ
وَلَوْ أَنِي مَشَّ مَرْتَّاحِ
قَلْبِي عَشَقَكُمْ وَجَع!!
بِاللَّهِ أَبُوسَ رَاسِكُمْ
وَأَحَبُّ عَلَى يَدِّكُمْ
بِكِفَايَةِ عَصْرِ فِ قُلُوبِ

بتضخ من دمكم
لو قلبي صفى الدِّمَا
مش راح اموت وحدي...
ده الروح على جسدين بتموت (الإثنين !!!)
حلفتكم بالله تبقوا على (عهدي)



الحنين

ريح الحنين

خلعت بيان القلب عـ البَحْرِي
إِوعُوا يا خَلْقَ اللَّهِ تَسْتَهْوِنُوا بِجِرْحِي
مَسَامِيرَ رَزِينِ الْحَالِ دَابَتْ وَطَيَّرَهَا
أَحْزَانُ تَهْزُّ جِبَالَ وَالصَّبْرَ عَطَّرَهَا
حَتَّى بِيَاضِ الْقَلْبِ مَا شَفَعَشَ عِنْدَ عَزِيزِ
فَلَا صَانَ نَخِيلَ حَبِيٍّ وَلَا حَاجِيَ عَلَى طَرَحِي...



الجدع

أنا أجدع واحد يسمع فضفضة من غيره

قلبي بجناحات ♥

فبطير وبحط الحب بحُب..

واسمع ويقول

والملم كل صفار أوجاعه عرض وطول

أيام والفرح يصير محصول...

ويغمي عيوني عن خيره!!!

لأ مش معقول!؟

كتر خيره.



◀ عطر ف سطر ▶

رِقة القلب ف زماننا
شيء مُشين للطيبين..
كلهم ناموا بجراحهم .. وصحيوا
لكن ميّتين!!!!!!



باب موارب

جوّه قلبي باب موارب

سبته لي ف حقي قصر

والي كان في الشدة هارب

والي فايق شاف جراحننا وداس عليها

وفي العتاب هو الي عاتب!!!

يا عجائب .. 1000 مرة وياعجائب!!

كنت شارب كاس على ريق البراءة

من مرار الدنيا والحب الي غايب

مررت في الصغر فرحة

وف الشباب دارت تسمم قلب حارب..

تعرف ايه عن قلب حارب !!؟

حارب القسوة بحنانه

وبات يقيم الليل بنبضه

وظلّمه نامو مـ المغارب

والملايكه علينا شهده

الي سامع والي كاتب

لحظة..

لحظة نوتة هجيبها واكتب..

فاكر اليوم الفلاني

فاكر النظرة المريبة

فاكر اللفظ الي شرّح

قلب كله حنان وطيبة ؟!

طيبة القلب الي سامح

مين يلم سنين نزيها

وادعاءاتكم بباطل

علّمت فيّا بزيفها!!

ألف مليون سطر فاضي

راح أكملهم دفاتر

ثمّ قلبي ياخذ له ساتر

عن عيونكوا الجراحين!!

لاجل روحكم ياما خاطر

وف عذاب دلوقتي وحده

ضهره مكشوف جوه ساحتہ

يشكي ولا يقول يا مين!!؟

ولا مفروض انه يشكر صفعة الاحباب

على الخد الحزين !!؟
هي دي الدنيا اللي ملهاش أي لازمة
ولما تبقى الازمة
أزمة إنها مش دايمه لينا
ورغم ذلك المدايح منا فينا
البكى من قلب أخوك
وانت متساهل في قهره
والنزيف من قلب حبك
وانت سكينتك في ظهره!
وخيط فبكرة من الضحايا
كلهم كانوا غلطانين..
كلهم كانوا شمعات!!!
بيها بتنيم ضميرك من سكات

وراح تعدي الدنيا ساعة
مش ساعات....
وانت يا إنسان حزين..
أو غرور أو جهول
طول على أبعد ما تقدر يوم تطول
قول كما نفسك تقول
وحيث لا نعلم زمان
راح نكون متجمعين
والي بينا هيبقى (دين)

ويحكم الديان ما بينا
وبين خلايق ياما غيرنا
من صغيرنا لكبيرنا

واللي كان عامل كبيرنا
واللي ظن إنه كاسرنا
وحيث لا خوف أو قلق
للي مات مخنوق بقهره
واللي مات مشنوق بصمته
بعد ما قلبه اتحرق!!
كله راح ياخذ حسابه
كله راح يُجَبَّر على عين الملاء.



وما أدراك ؟

وما أدراك معنى الخوف ؟!

وما أدراك معنى الخوف

من الأيام .. ؟

وكلمة بكرة ترعيني!

نقولها حروف

وف الخاطر كما الأعوام

وفكري فيها يتعبني..

منا التعبان..

ومن حزني القديم شبعان

ومن وقته وحتى الآن
بقيت شايب!..
وعن حالي هتسألني
"بكله تمام" أنا هجاوب!!!
منا اليأسان ولكن
كذبي فيه إحسان
عشان محبطش آمالك
بإني أشجع الشجعان
وإني سيد الصابرين
ياعم أنا دولة من مساكين
مافيش ف خريطة الأراضين
بشر ولاجان يعرفها!

وَممكن تَعْتبرني كمان
روشته حب ع الفطرة
محدث غاوي يصرفها!..
ولا يساند..
ولا عشاننا يكون (ساعد)
وقدّ ما كنّا للناس ظهر
فلا تيأس..
ولا تفكر تموت م القهر
ولا تفكر تعيش بكره
وهو لسة ما طلّش
توكل ع الي في مُلكه
يدوب القلب ما يملّش

ولطفه يطمئن الملهوف
فإِوعى رِغم جدِعتك
تموت مِ الخوف!
وما أدراك معنى الخوف!؟



بكرة

يا (بكرة) يا خانق التفكير
تركت لربنا التدبير ...
ورغم شروخي
والتكسير فقلبي ...
لسه أنا حمّال وبتمنى
ألاقي بجد راحة البال
وعارف إنها الجنة! ...



كسور

كسور ف القلب قتلتنا
قصور ف بصيره
لو " صِفيت "
تنور باقي سَكَّتْنا
ولو نحيا من الأول
على كل الظلام هنتور
ونسأل إيه مسَكَّتْنا !! ؟



الحقيقة

في الحقيقة
لما اكون موجهة وازعل...
كلمة بتخليني .. أروق
بس قلبي ... مش عبيط!!
لو هرد الجرح أسهل....
بس أصل الحب ... ذوق
والجفا يعكر ... محيط!



﴿عطر ف سطر﴾

واللي يحب بعشَم
ما تقولش عنه غَشيم
كل اللي في القصة
إنه بقلب سليم ♥



سقط عهداً...

سقط عهداً

قلبي

من خانة الأسيّة

وراح برجله ضمن

خانة الطيبين

وضحكّه رغم الجرح

من شرّ البلية

ونَفْسُهُ أطول

من خيال الجارحين

ع السجيه ..

ع السجيه قلبي يهوى

ورد فوق أشواكه دمي !

ورد إيه اللي جماله

يفوح بهمي ؟!!

ع الأسيه.. خدنا ولا ع السكوت ؟

مين يقول إن الطيابه للغلابه

ومين يقول إنك عشان أخلاق تموت ؟!

ولا حتى انك عشان مخلص يفوت

كل عمرك تحت بند الطيبين !! ؟

ولما تعتب وانت مكسور الجناح

ع الي عدى من شبابك والي راح

تيجي صعبة الكلمة عفواً

أصل عمرك سقط سهواً!!!!



إنسان

وتغفر ذنب قلب حبيب

وأقصى أمنيّاتك إنْ

جَمِيل الظن ده ما يخيب

وعشان الحب بالإحسان

فقط مطلوب...

تكون #إنسان...



ياخلق

إقطع عروق العشم

دم العشم مهدور

وافطم هوا الشعلة

ف حبالهم الدايبه

خذلان وأمره اتحسم

ولكل واحد دور

إيدين تدوق رفعتك

وف كبوتك غاييه

ياخلق ياخييه
خلو العشم في الله
اصل العشم فلسفة
كمدينة الأشباح

ونسان بأجسادهم
بس الخلاصة براح
من لا مبالاتهم
بشر بلا أرواح!!
الرعب ف حبالهم
فقف على حيلك

واعشتم فربك بس
قول له ماليش غيرك
ده اللي يعاف عشتك
في الأصل مش طيرك!!



جيرة

وانتِ قلبك عاشِ جيرة
لكل مكسور الجناح
وامّا جتْ لك جتْ كبيرة
كسرة مات فيها السّباح



◀ عطر ف سطر ▶

لما شمس الخجل تشرق على ملاحني
تطرح خدودي .. زهرة العبّاد !



سوحة

رقيقة الطرحة واللمحة
وملامح وشها السمحة
وكلام م القلب ف الأزيمة
يقول إن الألم منحة
تبص عينيها رايحه بك
ورايحه لك على الأفراح
تقصّر ع الدموع سكة
تداوي جوّه قلبي جراح
تعالى ف صحبتي وخطي
وكفى ليكي ضميها

وحبي طيبتني وغيوني
وحتى غيبي حبيها
أنا زيك بشر عادي
ولكن زادك المنان
بحفظ آياته وكتابه
وزود حسنك القرآن
فحبيبي كما الإحسان
يقول إنك تحبيني
وتاخدي بإيدي للجنة
وعدا الطاعة تعاھديني



ياللي مستني القريب يطيب
هتفضل واقف ف حزنك كثير!!
#مايجبر بخاطرك غير الي خلقك ♥



طياية

طياية روجي كرهاني

ورحمة قلبي بيعاني

وكله اتخلي عن انه يكون جمبي

عشان فاشل في إني اكون

محب لذاتي واناني!!

مديما الضعف جاب داغي

ونفسي ذاتها مللتني

أخاف تجي ع دماغي

دموع عيني اللي ذلتني

كبرنا خلاص وماعدش الشعر نكتب فيه

عن الخونة وعن الاندال

كبرنا .. قبلنا بالدنيا ودناوتها

في جميع الوقت والاحوال

ولا بقيو الي ليهم الف وش وحوش

ولا منهم بقينا نخاف

فِضِلْ إيه بعد دور (الفُجْر في خصومتي)

عشان اقلق واعيش خوَّاف ؟!

دواير الدنيا مقفولة

ومن بات في المسا متهان

يجي له الصبح بسهولة

عشان محكمة بالديان

خلاص القلب متحجر بقسوتهم

ولا يخضع..

سوا بالحب والإحسان.



﴿ عطر ف سطر ﴾

وناس يستاهلو يتحبو ويتشالو
في نني العين..
تحيهم فرحة تملأ الأرض والسموات
وماين لاتنين ♥ ..

فحبوهم ياريت جدا....



تم بحمد الله



الفهرس

5 الإهداء

8 مقدمة

11 الجدار

13 الود

14 حزن البحر

15 البشر

17 الغول

18 لو تقدرى

ورقة وقلم 19

يامهون 22

النزيف 24

سنبله 26

شعوذة 29

الحدود 30

الفجر 33

عهدي 34

الحنين 36

الجدع 37

باب موارد 39

وما أدراك؟ 45

بكرة 49

كسور 50

الحقيقة 51

سقط عمداً 53

إنسان 56

ياخلق 57

جيرة 60

سمحة 62

طباية 65

